

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Consideratio status damnatorum, quod actiones ipsorum
in primis malas, concernit**

Fecht, Johann

Durlaci, 1680

VII.

[urn:nbn:de:bsz:31-122744](#)

qui sub principatu Diaboli agunt, ac malitie ejus obtemperant, poterunt aliquando in futuris seculis converti ad bonitatem, pro eo, quod est in ipsis liberis arbitrii facultas: An vero permansens & inveterata malitia velut in naturam quandam ex consuetudine convertatur, etiam tu, qui legis, probato, si omnino modè, neque in his, quæ videntur, temporalibus seculis, neque in his, quæ non videntur, & eterna sunt, penitus pars ista ab illâ etiam finali unitate & convenientia discrepabit. Interim tam in his, que videntur, & temporalibus seculis, quam in illis, que non videntur & eterna sunt, omnes isti pro ordine, pro ratione, pro modo & meritorum dignitatibus dispensantur, ut alii in primis, alii in secundis, nonnulli etiam in ultimis temporibus, & per majora & graviora supplicia, nec non & diurna, ac multis, ut ita dicam, seculis tolerata, a superioribus emendationibus reparati & restituti, eruditioibus primo angelicis, tum deinde etiam graduum virtutibus, & sic per singula ad superiora provecti, usque ad ea, que sunt invisibilia & eterna, proveniant, singulis scilicet celestium virtutum officiis quadam eruditione in specie peragratis. Ex quo, ut opinor, consequentia ipsa ostendit, unamquamque rationabilem natum posse ab uno ordine in alterum transire, & per singulos in omnes, ab omnibus in singulos provenire, dum accessus profectum defectumque, varios, promotibus conatusque propriis unusquisque pro liberi arbitrii facultate perpetuitur. Lib. III. c. XI. p. 722. Ex quo opinamur, quoniam quidem immortalis est anima & eterna, quod in multis & sine fine spatiis per immensa & diversa secula possibile est, ut à summo bono ad infima mala descendat & ab ultimis malis ad summam bona reparetur. Sed vero notus est circulus Origenianus, rerum in sece perpetuo revolutarum, & possibilis terminatio supplicii infernalis in hoc illove subiecto, ob libertatem bene maleque agendi, ubique manentem: quæ, ut vitaret, voluntatem damnatis mala patrandi nunquam, sed facultatem deesse, docuit Augustinus.

VII. Gregorius M. libro IX. Moral. c. XXXIIX. & XXXIX. quamquam directo studio de qualitate paenarum infernalium agat, tenebrasque Hiob. X. 22. misericordie oppositas, de vitiis intellectus & voluntatis interpretari posset, non tamen nisi meri supplicii, quod malum paenae vocamus, mentionem facit. Foris, inquit, eos dolor combustionis cruciat & intus paena cœpitatis obscurat; quatenus, qui auctor suo corpore & corde deliquerunt, simul corde & corpore puniantur & utrobi-

que pœnas sentiant, qui, dum hic viverent, pravis suis delectationibus extiterat que serviebant.

IIX. Prosper Aquitanicus libro III. de vita contemplativa, c. XII. Edit. Lugd. p. 64. damnatos omni actione videtur privare & subjecere meræ passioni: *Quid est, inquit, obmutescens manibus & pedibus ligari, nisi in inferno, ubi Deo nemo confitetur, actione privari, sicut in exteriores tenebras mitti, nihil aliud erit, nisi à Domino, qui est mentium lumen, expelli?* Et post pauca: *Sed nos jam, si videatur, ab his terribilibus malis, quæ fidelium mentes salubri terrore concutiant, atque ab omnibus vitiosis delectationibus abducunt, & quæ amatores voluptatum suarum tunc sua damnationis experimento probabant, quando jam, quod est omni infelicitate miserius, se emendare non poterunt: ab his, inquam, terrificis & tristibus malis ascendamus ad illa sublimia, quibus perficiuntur mentes in spem promerenda beatitudinis absurgunt, abjuratisque terrenis coelestia concupiscunt.* Quamquam generalia verba de auctoris certa sententia non patiantur, aliquid indubii pronunciari.

IX. Anshelmus, libro de Similitud. c. XLIX. Erit ibi turpitudo, ponderositas, imbecillitas, servitus, infirmitas, anxietas, insipientia, inimicitia, discordia, dedecus, impotentia, timor, tristitia. Septem priores hujus miseriae partes corporis, septemque ultimæ miseriam perficiunt mentis. Hugo Victorinus, lib. IV. de An. c. XIII. odium sui & aliorum damnatis adscribit, quod utique peccatum est. *Ibi miseria, ibi tenebrae, ibi ordo nullus, ibi horror aeternus, ibi nulla spes boni, nulla desperatio mali.* Omnis, qui est in eo, odit se & omnes alios. *Ibi vidi omnia genera tormentorum, quorum minimum est majus omnibus his tormentis, quæcumque in hoc seculo fieri possunt.*

X. Bernhardi Clarevallensis Abbatis, haud obscura est de peccatis inferorum opinio, quam aliquoties prodit. Sermone de Beatâ Mariâ, Edit. Basil. p. 2198. *Infernus hic incipit, alibi perficitur, cum anima viito, caro supplicio atteritur.* De verbis Origenis, p. 588. *Absit, ut in calo credatur locus esse tristitia, (visus autem hoc fuerat Origenes asserere, dicendo: Salvator meus luget etiam nunc peccata mea & tamdiu est in merore, quamdiu nos persistimus in errore) sicut nec culpe.* Nemo ibi delinquare, nemo lugere potest, sicut nec in terra quidem pena ulla fuisset, nisi iniquitas præcessisset. *In calo utique sola justitia, sola nihilominus latitia est: in inferno solum peccatum & pena peccati:* por-